



**Republika e Kosovës
Komuna e Drenas(Gllogoc)
Kuvendi i Komunës**



Nr. 02-170/01-62182 dt. 28/12/ 2023

Bazuar në nenin 11,12 paragrafi 40 Ligjit për Vetëqeverisje lokale Nr.03/l-040, si dhe bazuar në nenin 3, pika 3.5 dhe nenit 34 të Statutit të Komunës së Drenasit, Kuvendi i Komunës së Drenasit në mbledhjen e mbajtur me datë, **27.12.2023**, miratoi këtë:

VENDIM

Për shpalljen e z. Kadri Veseli, "Qytetar Nderi" i Komunës se Drenasit

Neni 1

Ky Vendim miratohet nga Kuvendi i Komunës për shpalljen e z. Kadri Veselit "Qytetar Nderi" i Komunës se Drenasit.

Neni2

Titulli "Qytetar Nderi" për z. Kadri Veseli i jepet për kontributin e tij në luftën çlirimtare, shtet formim e shtet ndërtim, procese historike që ka kaluar Kosova.

Neni3

Për zbatimin e këtij Vendimi do të kujdeset Kryetari i Komunës së Drenasit.

Neni4

Ky vendim hyn ne fuqi nga dita e miratimit nga Kuvendi i Komunës dhe vlerësimit të ligjshmërisë nga ana e MAPL-së.

Neni5

Ky vendim hynë në fuqi 15 ditë nga dita e regjistrimit dhe vlerësimit të ligjshmërisë nga MPL-ja, si dhe 7 ditë nga publikimi në Ueb faqen zyrtare të Komunës.

Vendimi i dërgohet:
Zyrës së Kryetarit ;
Drejtorisë Përkatëse;
Zyrës së Kuvendit;
Arkivit;
Palës;



Kryesuesi i Kuvendit të Komunës


Milaim Hajdari

ARSYETIM

Kadri Veseli

Kadri Veseli u lind më 31 maj të vitit 1967 në Mitrovicë. Shkollimin fillor dhe të mesëm e kreu në Mitrovicë e Zveçan, për të vazhduar më pas studimet në Prishtinë në vitin 1990 në Fakultetin e Bujqësisë si dhe në Shkollën e Lartë Pedagogjike Dega Letërsi dhe Gjuhë Shqipe.

Por për shkak të rrethanave politike të asaj kohe për shkak të okupimit serb ishte detyruar që të vazhdoj studimet në Universitetin e Tiranës, në degën e Agronomisë.

Aktivitetin atdhetar dhe politik ai e nisi si student më 1988-1989, në radhët e Lëvizjes Popullore për Republikën e Kosovës duke u bërë njëri prej organizatorëve të protestave dhe demonstratave që zhvilloheshin në atë kohë kundër sistemit serb dhe jugosllav.

Në vitin 1990 bashkë me presidentin aktual Hashim Thaçin, bien në kontakt me udhëheqësin e atëhershëm të Ilegales, Afrim Zhitia. Më 1991 ai kalon ilegalisht në Shqipëri me mision të organizatës që kishte si qëllim zgjerimin dhe intensifikimin e veprimeve politike.

Në Tiranë takohet edhe me Grupin e Prekazit me në krye komandantin Adem Jashari dhe bashkë me të realizojnë aksionet e para të armatosura kundër policisë dhe ushtrisë serbe në Kosovë.

Prej vitit 1993 deri më 1998, Kadri Veseli bashkërendon aktivitetet rreth luftës së armatosur që nga Zvicra, Shqipëria, zona e Dukagjinit, Drenica, Pashtriku, etj.

Pas rënies së Jasharëve në mars të vitit 1998, Kadri Veseli, bashkë me anëtarë të tjerë të Shtabit të Përgjithshëm të UÇK-së, punojnë në strukturimin e njësiteve dhe formacioneve ushtarake nëpër të gjitha zonat operative.

Në këtë kohë ai emërohet komandat i Shërbimit të Zbulim Kundërzbulimit (G-2) të UÇK-së, përgjegjësi të cilën do ta ushtrojë deri në përfundim të luftës, raporton rtv Dukagjini.

Veseli në luftë ishte njohur me nofkën "Luli". Por pas çlirimit të Kosovës më 12 qershor 1999, krahas njësiteve të tjera të UÇK-së edhe shërbimi i Zbulim Kundërzbulimit (G-2), vendoset në Prishtinë për ta vazhduar misionin në rrethana të reja.

Në kushtet e paqes shërbimi ushtarak i Kundërzbulimit, u transformua në shërbim të inteligjencës. Ky edhe ishte formacioni i fundit i UÇK-së, pas Trupave Mbrojtëse të Kosovës i cili u shua vetëm pas shpalljes së Pavarësisë së Kosovës, më 17 Shkurt 2008.

Në fund të viti 2012, Kadri Veseli anëtarësohet në PDK, në vitin 2016 votohet për kryetar të PDK-së, kurse në vitin 2017 për kryetar të Kuvendi të Kosovës.

Andaj, angazhimi i z. Kadri Veseli për çështjen e Kosovës përgjatë dekadave, është për t'u vlerësuar me titullin "Qytetar nderi" i komunës së Drenasit.